



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՇԻՐ ՀԱՄԱՅՆՔԻ ՂԵԿԱՎԱՐ

Հայաստանի Հանրապետության Լոռու մարզի
Տաշիր համայնք, Վ. Սարգսյան 94, 0254-2-22-41, էլ. tashircity00@mail.ru

Ո Ր Ո Շ ՈՒ Մ

« 03 » փետրվարի 2012 թվականի N 9 Ա

<<ԱՐՏԱԿԱՐԳ ԻՐԱՎԻՃԱԿՆԵՐԻ ՀԵՏԵՎԱՆՔՈՎ ՖԻԶԻԿԱԿԱՆ և ԻՐԱՎԱԲԱՆԱԿԱՆ ԱՆՁԱՆՑ ՊԱՏՃԱՌԱԾ ՎՆԱՍԻ ԳՆԱՀԱՏՄԱՆ >> ՏԱՇԻՐ ՀԱՄԱՅՆՔԱՅԻՆ ՀԱՆՁՆԱԺՈՂՈՎ ՍՏԵՂԾԵԼՈՒ ՄԱՍԻՆ

Ի կատարումն Հայաստանի Հանրապետության Լոռու մարզպետի 2011թ. նոյեմբերի 29-ի թիվ 380-Ա որոշման 3-րդ կետի, ղեկավարվելով Հայաստանի Հանրապետության կառավարության 2011թվականի նոյեմբերի 10-ի <<Արտակարգ իրավիճակների հետևանքով ֆիզիկական և իրավաբանական անձանց , պատճառված վնասի գնահատման կարգը հաստատելու մասին >>N 1582-Ն որոշման 3-րդ կետով , <<Տեղական ինքնակառավարման մասին>>Հայաստանի Հանրապետության օրենքի 32-րդ հոդվածի 17-րդ կետով՝

1. Հաստատել <<Արտակարգ իրավիճակների հետևանքով ֆիզիկական և իրավաբանական անձանց պատճառված վնասի գնահատման>>Տաշիր համայնքային հանձնաժողովի անհատական կազմը՝ համաձայն թիվ 1 հավելվածի:
2. Հաստատել հանձնաշտղովի աշխատակարգը՝ համաձայն թիվ 2 հավելվածի :
3. Սույն որոշմամբ ստեղծված հանձնաժողովի աշխատանքներին կարող են ներգրավել նաև մասնագիտացված կառույցների ներկայացուցիչներ:
4. Սույն որոշումը ուժի մեջ է մտնում ընդունման հաջորդ օրվանից:

ՀԱՄԱՅՆՔԻ ՂԵԿԱՎԱՐ՝

ՆՇԱՆ ՍՈՂՈՅԱՆ

2012 թ. Փետրվարի 03
ք. Տաշիր

ԱՐՏԱԿԱՐԳ ԻՐԱՎԻՃԱԿՆԵՐԻ ՀԵՏԵՎԱՆՔՈՎ ՖԻԶԻԿԱԿԱՆ և ԻՐԱՎԱԲԱՆԱԿԱՆ
ԱՆՁԱՆՑ ՊԱՏՃԱՌԱԾ ՎՆԱՍԻ ԳՆԱՀԱՏՄԱՆ ՏԱՇԻՐ ՀԱՄԱՅՆՔԱՅԻՆ ՀԱՆՁՆԱԺՈՂՈՎԻ
ԱՆՀԱՏԱԿԱՆ ԿԱԶՄԸ

1. Ս.Անախասյան- հանձնաժողովի նախագահ, քաղաքաշինության բաժնի պետ
2. Ա.Յավրուսյան - հանձնաժողովի նախագահի տեղակալ, քաղաքապետի օգնական
Հանձնաժողովի անդամներ
3. Ն.Բաղդասարյան-ՔՏՍ-ի տնօրեն
4. Մ.Քերոբյան - ֆինանսական բաժնի առաջի կարգի մասնագետ
5. Ք.Գրիգորյան- ֆինանսական բաժնի առաջատար մասնագետ
6. Ա.Ազոյան - աշխատակազմի առաջի կարգի մասնագետ
7. Ռ.Մուրադյան - քաղաքաշինության բաժնի առաջի կարգի մասնագետ

ՀԱՄԱՅՆՔԻ ՂԵԿԱՎԱՐ՝



Ն.ՄՈՂՈՅԱՆ

ԱՇԽԱՏԱԿԱՐԳ

ԱՐՏԱԿԱՐԳ ԻՐԱՎԻՃԱԿՆԵՐԻ շԵՏԵՎԱԼՔՈՎ ՖԻԶԻԿԱԿԱՆ և ԻՐԱՎԱԲԱՆԱԿԱՆ ԱՆՁԱՆՑ ՊԱՏՃԱՆԱՍՏ
ՎՆԱՍԻ ԳՆԱՀԱՏՄԱՆ ՏԱՇԻՐ ՀԱՄԱՅՆՔԱՅԻՆ ՀԱՆՁՆԱԺՈՂՈՎԻ

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն աշխատակարգով սահմանվում են արտակարգ իրավիճակների հետևանքով ֆիզիկական և իրավաբանական անձանց պատճառված վնասի գնահատման Տաշիր համայնքային հանձնաժողովի (այսուհետ՝ հանձնաժողով) գործառույթները, աշխատանքների կազմակերպման կարգը:
2. Հանձնաժողովն իր գործունեության ընթացքում ղեկավարվում է Հայաստանի Հանրապետության Սահմանադրությամբ, Հայաստանի Հանրապետության օրենքներով և այլ իրավական ակտերով, միջազգային պայմանագրերով և սույն աշխատակարգով:
3. Հանձնաժողովին կից՝ հանձնաժողովի անդամների կողմից լիազորված ներկայացուցիչների ընդգրկմամբ կարող են ստեղծվել աշխատանքային խմբեր:

II. ՀԱՆՁՆԱԺՈՂՈՎԻ ԽՆԴԻՐՆԵՐԸ ԵՎ ԼԻԱԶՈՐՈՒԹՅՈՒՆՆԵՐԸ

4. Հանձնաժողովի խնդիրներն են՝
 - 1) կազմակերպել համայնքի տարածքում արտակարգ իրավիճակների հետևանքով ֆիզիկական և իրավաբանական անձանց պատճառված վնասների գնահատման գործընթացը.
 - 2) համայնքի տարածքում արտակարգ իրավիճակների հետևանքով ֆիզիկական և իրավաբանական անձանց պատճառված վնասների.
 - 3) համայնքի հանձնաժողովների կողմից կազմված ակտերի ներկայացումը մարզային հանձնաժողով:

III. ՀԱՆՁՆԱԺՈՂՈՎԻ ԱՇԽԱՏԱՆՔՆԵՐԻ ԿԱԶՄԱԿԵՐՊՈՒՄԸ

5. Հանձնաժողովն իր աշխատանքները կազմակերպում է նիստերի ձևով:
6. Հանձնաժողովի նիստերը հրավիրում է հանձնաժողովի նախագահը կամ տեղակալը՝ նախագահի բացակայության դեպքում:
7. Հանձնաժողովի աշխատանքները կազմակերպում և նիստերը վարում է հանձնաժողովի նախագահը կամ նրա տեղակալը:
8. Հանձնաժողովի կողմից գնահատման ու հաշվառման են ենթակա արտակարգ իրավիճակների հետևանքով ֆիզիկական և իրավաբանական անձանց պատճառված վնասները:
9. Արտակարգ իրավիճակների հետևանքով ֆիզիկական և իրավաբանական անձանց պատճառված վնասի գնահատման համար՝
 - 1) կազմվում է վնասված գույքի ցանկը՝ նշելով դրանց տեսակը, գտնվելու վայրն ու համառոտ բնութագիրը,
 - 2) ուսումնասիրվում և գնահատվում է վնասված գույքի վիճակը.
 - 3) գնահատվում է գույքին պատճառված վնասի չափը:
10. Եթե արտակարգ իրավիճակների հետևանքով զոհվել են մարդիկ, կամ մարդկանց առողջությանը պատճառվել է վնաս, ապա Հայաստանի Հանրապետության արտակարգ իրավիճակների նախարարության Հայաստանի փրկարար ծառայության մարզային փրկարարական վարչություններից դեպքի մասին տեղեկատվությունը տրամադրվում է Հայաստանի Հանրապետության արտակարգ իրավիճակների նախարարությանը և Հայաստանի Հանրապետության առողջապահության նախարարությանը՝ համապատասխան միջոցառումներ իրականացնելու նպատակով:
11. Տեղեկատվությունը ներառում է՝
 - 1) դեպքի օրը, ամիսը, տարեթիվը, ժամը և վայրը.
 - 2) տուժողների ազգանունները, անունները, հայրանունները, նրանց ծննդյան օրը, ամիսը, տարեթիվը, բնակության և աշխատանքային վայրերը.

դեպքի վայր մեկնած՝ փրկարարական աշխատանքներ իրականացնող խմբի (անձանց) կազմը (անձնական տվյալները)։

- 4) դեպքը բնութագրող այլ հանգամանքներ՝ իրավիճակը, եղանակային պայմանները և այլն։
12. Հանձնաժողովը գործում է հետևյալ ուղղություններով՝
 - 1) գյուղատնտեսությանը հասցված վնասների գնահատում.
 - 2) բնակչության զույքին հասցված վնասների գնահատում .
 - 3) ենթակառուցվածքներին հասցված վնասների գնահատում .
 - 4) բժշկասանիտարական հնարավոր վնասների գնահատում .
13. Արտակարգ իրավիճակների հետևանքով ֆիզիկական և իրավաբանական անձանց պատճառված վնասները գնահատող հանձնաժողովի կազմում՝ ըստ ուղղությունների ընդգրկվում են արտակարգ իրավիճակների, առողջապահության, գյուղատնտեսության, կապի և տրանսպորտի, քաղաքաշինության բնագավառների մասնագետներ և մասնագիտացված կառույցների ներկայացուցիչներ, ովքեր պետք է ուսումնասիրեն, հաշվառեն և գնահատեն ստեղծված իրավիճակն ու հավանական վտանգները։
14. Համայնքային հանձնաժողովների կողմից կազմված ակտերը քննարկվում են մարզային հանձնաժողովում, և համաձայնեցված ակտերը ներկայացվում են հանրապետական հանձնաժողով։ Արտակարգ իրավիճակների հետևանքով ֆիզիկական և իրավաբանական անձանց պատճառված վնասների մասին վերջնական տեղեկատվությունն ամփոփում և հրապարակում է արտակարգ իրավիճակների հետևանքով պատճառված վնասները գնահատող հանրապետական հանձնաժողովը։
15. Հանձնաժողովի նիստերի ժամանակ ընդունված ակտերը և կազմված արձանագրություններն ստորագրում են հանձնաժողովի անդամները։

ՀԱՄԱՅՆՔԻ ՂԵԿԱՎԱՐ՝



Ն.ՍՈՂՈՅԱՆ